

Atuarfinni sorlarni meeqqanut inuusuttunullu ajornartorsiutitik pillugit saaffigisinnaasaminnik amigaateqarnersut pillugit, amigaatillu taakku qanoq iliuseqarfigineqarsinnaanersut pillugit pilersaaruteqartoqarnersoq aallaavigalugu Naalackersuisut UPA 2017-imut nalunaarusiornissaannik suliniuteqaqqullugit Inatsisartut aalajangiiffigisassaattut siunnersuut

(Inatsisartunut ilaasortaq, Anthon Frederiksen Partii Naleraq)

Akissuteqaat

(Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoq)

Siullermeerinnineq

Inatsisartunut ilaasortaq Anthon Frederiksen, Partii Naleraq siunnersuutaa pillugu Naalackersuisut qutsavigaat.

Kommunit meeqqanut atuarfii meeqqanut inuusuttunullu inuttut atukkatigut ajornartorsiuteqartunut saaffiginnittarfinnik pilersitsinissamik pisussaaffeqanngillat. Kommunini inunnik isumaginnittoqarfiit taamatut pisussaaffeqarput. Naalackersuisut taamaamat naliliipput nassuiaat taasissutigineqartussami siunnersuutigineqartoq isumaqarnaviannitsoq, tassa taasissutigineqartussami taamatut saaffiginnittarfeqarnissamik meeqqat atuarfiata pisussaaffeqarnissaa pisariaqarsorinarmat.

Naalackersuisut qulaani taamatut oqaaseqaateqaraluarlutik isumaqatigaat Meeqqat Atuarfiat pingaaruteqartumik inissisimasoq meeqqanullu inuttut atukkatigut ajornartorsiuteqartunut ataatsimut tapersiinissamik pisussaaffeqartoq. Aammalu atuarfiup inunnillu isumaginnittoqarfiup suleqatigiinnerat meeqqat ataasiakkaat inuunerissaarnerannut inuttullu atukkatigut ineriartornerannut pisariaqartoq. Suleqatigiinnerli taanna inatsisit iluanni qanoq ingerlanneqassanersoq kommunit ataasiakkaat aalajangigassaraat.

Suliniuterpassuit assigiinngitsut meeqqat atuarfianni inuullu arnerisa inunnillu attaveqartarnerisa ineriartornerat pillugu ilisimasanik katersinissaq paarlaasseqatigiittarnerlu Naalackersuisut, ilaatigut Ilinniartitaanermut Aqutsisoqarfik aqqutigalugu ukiuni aggersuni isiginiarniarpaat. Tamanna pissaaq kommunit qanimut suleqatigalugit aammalu sulianik ingerlatsiviit suliamut attuumassuteqartut, pingaartumik inunnik isumaginnittoqarfiup, peqqinnissaqarfiup ilinniartitaanerullu akornanni.

Naalackersuisut taamaamat siunnersuuteqartoq isumaqatigaat, immikkoortup tassunga ilanngullugit ilisimasanik ataavartumik katersuisarnerup ilisimasanillu paarlaasseqatigittarnerup, annertuumik suliniuteqarfigineqarnerata ingerlaannarnissaa pingaaruteqartoq. Naalackersuisut tamanna pingaartissavaat.

Naalackersuisulli isumaqarput siunnersuut taasisutigineqartussa q taamatut
nassuiaaserneqartillugu anguniakkap taassuma angunissaanut isumaqarluartumik
tapersiinnaangitsoq, taamaammallu siunnersuutip akuerineqannginnissaa innersuutigalugu.